

淵鑑類函

淵鑑類函卷二百三十七

邊塞部八原龜茲焉者于闐疏勒烏孫增悅般原姑墨温宿原烏耗增阿鈞羌增西夜

原屬賓納失者罕撒馬兒罕八刺黑密沙鹿海牙亦力把罕原失干渴石波斯增里迷增大食卜花兒

伏盧尼涅槃陀鉅和國波知大夏增吐火羅乾陀謝絕帆延石汗那識匿

朱居波切國陀羅伊羅越底延高附

原大月氏小月氏

龜茲

原杜氏通典曰龜茲漢時通焉王理延城都白山之南二百里隋西域圖云白山一名阿羯山東去長安七千

五百里戶七千南與精絕東南與且末西南與杆彌北與烏孫西與姑墨接能鑄冶俗有城郭東至都護理所

烏壘城四百里烏壘戶百十與都護同理其南三百里至渠黎渠黎城都尉一人戶百三十東北與尉犁東南

與且末南與精絕接昭帝田輪臺與渠黎地皆相連也晉書曰晉武帝時其王遣子入侍惠懷未符堅遣

其將呂光伐之其王白純距境不降光進軍討平之立其後白震為王北史曰城方五六里其國東有輪臺

即漢李廣利所屠者其南三百里有大河東流號計戍水即黃河也俗性多淫置女市收男子鐵以入官土多

孔雀羣飛山谷間人取食之孳乳如雞鶩其國西北大山中有如膏者流出成川行數里入地如餽餬甚臭茲

髮落者服之能令更生癰人服之皆愈周保定元年其王遣使來獻隋大業中遣使朝貢方物舊唐書曰唐

貞觀四年獻馬太宗賜璽書撫慰然臣西突厥郭孝恪伐焉耆龜茲遣兵影助自是職貢頗闕帝伐之立其王

之弟葉護始徙安西都護於其都統于闐碎葉疏勒號四鎮高宗復棄四鎮移安西依舊西州城堡並為賊陷

長壽元年王孝傑破吐蕃復四鎮地後置安西都護府用兵三萬鎮之遠踰沙磧甚為百姓所苦言事者請棄

之則天不許宋史曰宋自天聖至景祐入貢者五紹聖三年使大首領阿連撒羅等以表章及玉佛至洮西

熙河經畧使以其罕通使請令於熙秦等州博買而估所齎物價答賜遣還從之

焉者

原杜氏通典曰焉耆漢時通焉王理員渠城員于在白山之南七十里去長安七千三百里戶四千西南至都

焉者

原杜氏通典曰焉耆漢時通焉王理員渠城員于在白山之南七十里去長安七千三百里戶四千西南至都

焉者

焉者

護理所四百里南去尉犁百里北與烏孫接東去交河城九百里西去龜茲九百里皆沙磧其國近海水多魚鹽蒲葦之利四面有大山道險阨易守海水曲入四山之內周匝其城三十餘里後漢明帝永平末有戶萬五千與龜茲共攻沒都護陳睦至和帝元光六年都護班超發諸國兵討之殺其王超乃立焉耆佐侯元孟爲王至安帝時西域背叛延光中超子勇爲西域長史復討定之

增

晉書曰武帝太康中其王龍安遣子入侍安

夫人妊身十二月剖脇生子曰會立爲世子會少而勇傑安病篤謂會曰我嘗爲龜茲王白山所辱汝能雪之乃吾子也及會立襲滅白山遂據其國遣子熙歸本國爲王會有膽氣籌略遂霸西域葱嶺以東莫不率服其後張駿遣沙州刺史楊宣率衆疆理西域宣以部將張植爲前鋒熙率衆先要之於遮留谷植將至或曰漢祖畏於柏人岑彭死於彭土今谷名遮留殆將有伏單騎嘗之果有伏發植擊敗之進據尉犁熙降於宣北史曰隋大業中其王龍突騎支遣使貢方物唐書曰唐貞觀六年龍突騎支始遣使來朝自隋亂磧路閉故西域朝貢皆由高昌突騎支請開大磧道以便行人帝許之高昌怒大掠而去十四年侯君集破高昌突騎支引兵佐唐其後朝貢遂闕安西都護郭孝恪擊之執突騎支以栗婆準攝國事焉耆又立從兄薛婆阿那支爲王執栗婆準送龜茲爲其所殺阿史那社尒討龜茲擒之立婁伽利爲王以修職貢

于闐一

原杜氏通典曰于闐漢時通焉都葱嶺之北二百餘里去長安九千七百里戶三萬二千東北至都護理所三千九百里南與婁羌接北與姑墨接東北去龜茲千四百里東去鄯善千五百里西通皮山國四百里東去朱俱波國千里西北至疎勒國千五百里其國之西水皆西流注西海其東水東流注鹽澤

增

唐書曰國有阿

耨達山據漢書河源出焉後漢建武末莎車王賢彊盛攻并于闐徙其主俞林爲驪歸王永平中于闐將休莫霸反自立死兄子廣德立後遂滅莎車其國轉盛從精絕西北至疏勒十三國皆服從而鄯善王亦始強盛自是南道自葱嶺以東惟此二國爲大順帝時遣侍子詣闕貢獻元嘉中王敬爲長史斬其王建于闐將輸焚等斬敬自立國人殺之立建子安國焉梁武帝時凡四遣使通江左獻方物隋大業中頻遣使朝貢其王姓王宇早示門練錦帽金鼠冠髮不令人見俗言見王髮年必儉俗重佛法寺塔僧尼甚衆王尤信尚設齋日必親自

灑埽饋食城南五十里有贊摩寺即昔羅漢比丘盧旃爲其王造覆盆浮圖之所石上有辟支佛跏趺處雙跡猶存西有比摩寺云是老子化胡成佛之所自高昌以西諸國人深目高鼻惟此一國貌類華夏城東二十里有大水北流號樹枝水即黃河也一名計式水城西五十里亦有大水名達利水與樹枝水會俱北流其後併有漢戎盧杆彌渠勒皮山五國故地其居曰西山城勝兵四千人有玉河國人夜視月光盛處必得美玉王居繪室俗機巧言迂大然貌恭謹相見皆跪以木爲筆玉爲印凡得問遺書戴於首乃發之自漢武帝以來中國詔書符節玉王傳以相授人喜歌舞工紡績西有沙磧鼠大如蝟色類金出入羣鼠爲從初無桑蠶可鄰國不肯出其王即求婚許之將迎乃告曰國無帛可持蠶自爲衣女聞置蠶帽絮中關守不敢驗自是始有蠶女刻石約無殺蠶蛾飛盡得治蘭唐貞觀六年遣使入獻玉帶安史之亂絕不復至矣 文獻通考晉天福中其王李聖天自稱唐宗屬遣使來貢高祖遣供奉官張匡鄴高居誨等入其國冊聖天爲大寶于闐國王宋建隆二年聖天遣使貢圭一以玉爲押使者言國城東有白玉河西有綠玉河次西有烏玉河源出崑崙山去國城西千三百里每歲秋水小後國人取玉於河謂之撈玉官取後方許私取大中祥符二年其國黑韓王遣回鶻羅廝溫等以方物來貢上詢其在路幾時去此幾里對曰涉道一年晝行暮息不知里數昔時道路嘗有剽劫今道路清謐行旅如流願遣安撫遠俗上曰路遠命使益以勞費爾國今降詔書汝齎往亦與命使無異也嘉祐八年十一月以其國王爲特進歸忠保順砮鱗黑韓王于闐謂金翅鳥爲砮鱗黑韓蓋可汗之訛使言其王乞此號云元豐四年遣蕃部阿辛上表稱于闐國僂僂有福力知文法黑汗王書與東方日出處大世界田地主漢家阿舅大官家大略云路遠傾心相向前三遣使入貢未回重復數百言董氈使導至熙州譯其辭以聞詔前三輩使人皆已朝見錫賚遣發賜敕書諭之 續文獻通考遼聖宗統和開泰間俱入貢金時遣滿刺哈撒木丁等貢玉璞明永樂間打魯哇亦不剌入貢其產玉胡錦獨峰駝乳香硃砂硃珊瑚翡翠木香琥珀花蕊布名馬膃臍金星石水銀阿魏安息香雞舌香葡萄獅子

于闐二

舊月光盛而美玉生

王髮見而凶年至俱見上

于闐三

增記晉高居誨使于闐記曰自靈州過黃河行三十里始涉沙入党項界曰細腰沙神樹沙至三公沙宿月氏都督帳自此沙行四百餘里至黑堡沙沙尤廣遂登沙嶺沙嶺党項牙也其舊曰榆崖天子渡白亭河至涼州涼州西行五百里至甘州甘州回鶻牙也其南山百餘里漢小月氏之故地也有別族號鹿角山沙陀云朱耶氏之遺族也自甘州西始涉磧磧無水載以行甘州人教晉使者作馬蹄木澀四竅馬蹄亦鑿四竅而綴之駝蹄則包以羴皮乃可行西北五百里至肅州渡金河西百里出天門關又西百里出玉門關經吐蕃男子冠中國帽婦人辮髮戴瑟瑟云珠之好者一珠易一良馬西至瓜州沙州二州多中國人聞晉使者來其刺史曹元深等郊迎問使者天子起居瓜州南十里鳴沙山云冬夏殷殷有聲如雷云禹貢流沙也又東南十里三危山云三苗之所竄也其西渡都鄉河曰陽關沙州西曰仲雲族其牙帳居胡盧磧云仲雲者小月氏之遺種也其人勇而好戰瓜沙之人皆憚之胡盧磧漢明帝時征匈奴屯田於伊吾盧蓋其地也地無水而嘗寒多雪每天燠雪消乃得冰臣鄴等西行入仲雲界至大屯城仲雲遣宰相四人都督三十七人候晉使者臣鄴等以詔書慰諭之皆東向拜自仲雲界西始涉磧磧無水掘地得濕沙人置之甑以止渴又復渡陷河伐檉置水中乃渡不然則陷又西至紺州紺州于闐所置也在沙州西南云去京師九千五百里矣又行二日至安軍州遂至于闐聖天衣冠如中國其殿皆東向曰金冊殿有樓曰七鳳樓以蒲萄爲酒又有紫酒青酒不知其所釀而味尤美其食粳沃以蜜粟沃以酪其衣布帛有園圃花木俗喜鬼神而好佛聖天居處嘗以紫衣僧五十人列侍其年號同慶二十九年其國東南曰銀州盧州蒲州其南千三百里曰玉州云漢張騫所窮河源出于闐而山多玉者此山也

疏勒

原杜氏通典曰疏勒漢時通焉王理疏勒城去長安九千三百里戶千五百都白山南百餘里東至都護理所二千二百里南有河西帶蔥嶺亦名雪山在國西北百餘里河所出東去龜茲千五百里西去撥汗國撥汗一里當大月氏大宛康居道南去莎車五六百里去朱俱波八九百里隋史云東北去突厥牙帳千餘里在干闐

國北千五百里耿恭爲戍已校尉屯車師後王金蒲城爲匈奴所攻恭引衆入疏勒城中乏水穿井十五丈不得水恭整衣服向井再拜爲吏士禱飛泉涌出賊遂退

增

北史曰後魏文成末其王遣使送釋迦牟尼佛袈

裝一長二丈餘帝以其審是佛衣當有靈異置於猛火之上經日不燃觀者悚駭其人文身碧瞳手足皆六指

產子東頭使褊非六指者即不育

原

文獻通考曰其王姓裴氏自號阿摩支唐貞觀十三年與朱俱波甘棠

烏孫一

原杜氏通典曰烏孫漢時通焉大昆彌理赤谷城

烏孫其形最異青眼赤髭鬚狀類獼猴其國謂王曰昆彌亦曰昆莫去長安八千九百里戶十

三萬東至都護理所千七百里西至康居蕃內地五千里東與匈奴西北與康居西與大宛南與城郭諸國接

本塞地也

增文獻通考曰地莽平多雨雪山多松栢無田作種樹隨畜逐水草與匈奴同俗國多馬富人至

四五千匹民剛惡貪很多寇盜最爲強國

原杜氏通典曰張騫言烏孫本與大月氏共在燉煌間今烏孫強

大可厚賂招令東居故地妻以公主以制匈奴武帝即位令騫齎金幣往昆莫於是發使獻馬願尚公主元封

中遣江都王建女細君爲公主以妻焉公主別理官室而居歲時一再與昆莫會置酒飲食昆莫年老語言不

通公主悲愁自作歌以述意天子聞而憐之昆莫死孫岑陼立岑陼者官號也名軍須靡公主死漢復以楚王

戊之孫解憂爲公主妻之岑陼死季父子翁歸靡立號曰肥王復尚解憂公主宣帝初公主及昆彌翁歸靡上

書言匈奴連歲侵擊欲發國中精兵自給人馬五萬騎盡力擊匈奴唯天子出兵以救本始三年漢發十五萬

騎五將軍分道並出遣校尉常惠持節護烏孫兵昆彌將五萬騎從西方入至匈奴右谷蠡王庭

谷音鹿音黎獲四

萬級馬牛羊驢橐駝七十餘萬宣帝時都護鄭吉請分烏孫爲大昆彌後段會宗爲都護時烏孫兵圍之驛騎

上書願發城郭燉煌兵以自救丞相王商大將軍王鳳及百僚議數日不決上召陳湯問對曰臣以爲此必無

可憂夫胡兵五而當漢兵一何者兵刃朴鈍弓弩不利今聞頗得漢巧然猶三而當一又兵法曰客倍而主人

半然後敵今烏孫人衆不足以勝會宗惟陛下勿憂且兵輕行五十里重行三十里今會宗發城郭燉煌歷時

而至所謂報讐之兵非救急之用也瓦合不能久攻不過五日當有言語聞居四日軍書至言已解會宗招還

開盛頃

卷三十三

邊塞部

疏勒

烏孫

悅服

姑墨

亡畔安定之

增續文獻通考曰遼太祖時嘗來貢

烏孫二

增夫人持節

公主學琴

漢書楚王侍者馮嫪能史書習事嘗持節為公主行賞諸國敬信之號曰馮夫人宣帝微馮夫人錦車持節詔焉又曰宣帝時烏孫公主遣女至京學鼓琴

烏孫三

增歌漢烏孫公主悲愁歌曰吾家嫁我今天一方遠託異國今烏孫王穹廬為室兮旃為牆以肉為食兮酪為漿居常土思兮心內傷願為黃鵠兮歸故鄉

悅般

增北史曰悅般國在烏孫西北其先匈奴北單于之部落為漢車騎將軍竇憲所逐北單于度金微山西走康居其羸弱不能去者住龜茲北地方數千里眾可二十餘萬涼州人猶謂之單于王其風俗言語與高車同而其人清潔剪髮齊眉以歸餬塗之豎豎然光澤日三澡漱然後飲食其國南界有大山山傍石皆焦鎔流地數十里乃凝堅人取以為藥即石硫黃也與蠕蠕結好其王嘗入蠕蠕國欲與大檀相見入其界見其人不浣衣不綰髮婦人口舐器物王謂其從臣曰汝曹誑我入此狗國中乃馳還大檀追之不及自是相仇討魏真君九年遣使朝獻并送幻人稱能割人喉脈令斷擊人頭令骨陷皆血出或數升或盈斗以草藥納其口中令嚙咽之須臾血止養瘡一月復常又無痕世祖疑其虛乃取死罪囚試之皆驗云中國諸名山皆有此草乃使人受其術而厚遇之又言其國有大術者蠕蠕來抄掠術人能作霖雨盲風大雪及行潦蠕蠕凍死漂亡者十二三是歲再遣使朝貢求與官軍東西齊契討蠕蠕太武嘉其意命以淮南王他為前鋒仍詔有司以其鼓舞之節施於樂府自後每使朝貢

姑墨

原杜氏通典曰姑墨漢時通焉王理南城去長安八千一百里戶三千五百東至都護理所千里南至于闐馬行十五日北界接烏孫 **增**新唐書曰自龜茲西羸六百里踰小砂磧有跋祿迦小國一曰並墨即漢姑墨國橫六百里縱三百里風俗文字與龜茲同言語少異西三百里度石磧至陵山蔥嶺北原也水東流春夏山谷

積雪

溫宿

原杜氏通典曰溫宿漢時通焉王理溫宿城去長安八千三百餘里戶二千二百東至都護理所二千三百餘里西至尉頭三百里北至烏孫赤谷六百餘里

烏秣

原杜氏通典曰烏秣漢時通焉王理烏秣城去長安萬里戶五百東北至都護理所四千九百北與子合蒲黎西與難兜接 **增**文獻通考曰其國後魏又通謂之於摩國

難兜

原杜氏通典曰難兜漢時通焉去長安萬一百里戶五千東北至都護理所二千八百里西南至罽賓三百里南與婁羌北與休屠西與大月氏接

西夜

增漢書曰西夜國王號子合王治呼犍谷去長安萬二百五十里勝兵千人東與皮山西南與烏秣北與莎車西與蒲犁接蒲犁及依耐無雷國皆西夜類也其種類羌氏行國隨畜逐水草而子合土地出玉石

悉居半

增後魏書曰悉居半國故西夜也在于闐西太延初遣使來獻自後貢使不絕

皮山

增漢書曰皮山王治皮山城去長安萬五千里勝兵五百人西南至烏秣國千三百四十里南與天竺接北至姑墨千四百五十里西南當罽賓烏弋山離西北通莎車三百八十里

蒲山

增後魏書曰蒲山國故皮山國也居皮城在于闐南其國西南三里有凍凌山後復屬于闐

烏弋山離

開
盤
頤
焉

卷三百三十七

邊塞部

溫宿

烏秣

難兜

西夜

悉居半

日

增漢書曰烏弋山離國去長安萬二千二百里不屬都護戶口多大國也東北至都護治所六十日行東與罽賓北與樸桃西與犁靬條支接行可百餘日至條支

大宛

原杜氏通典曰大宛漢時通焉王理貴山城去長安萬二千五百里戶萬東至都護理所四千里北至康居于闐城千五百里西南至大月氏七百里北與康居南與大月氏接

石久者數十年不敗人嗜酒馬嗜苜蓿

原杜氏通典曰多善馬汗血言其先天馬子

增漢書曰以葡萄酒爲酒富人藏酒至萬餘

皆汗血因號爲天馬子始張騫爲武帝言之帝遣使者持千金及金馬以請宛善馬宛王以漢絕遠大兵不能

至遂殺漢使於是太初元年拜李廣利爲貳師將軍期至貳師取善馬率數萬人至其境攻郁城不下引還往

來二歲至燉煌士卒存者十不過一二帝怒其不尅使遮王門不許入貳師因留屯燉煌又遣貳師率六萬人

負私從者不與焉牛十萬馬三萬匹驢橐駝萬數天下騷然益發戍甲卒十八萬置居延休屠

今武威張掖郡界以衛

酒泉貳師至宛宛人斬王無寡首獻焉漢軍取其善馬數十匹中馬以下牝牡三千匹而立宛貴人昧蔡爲王

約歲獻馬二匹遂採葡萄苜蓿種而歸

增漢書曰天子以馬多益種葡萄苜蓿離官館旁極望焉

文獻通

考曰其人皆深目多髯髻善賈其俗貴女人女子所言丈夫乃決正其地無絲漆不知鑄器及漢亡卒降教錄作兵器焉隋時蘇對沙那國即漢大宛也

洛那

增北史曰洛那國故大宛國也都貴山城在疏勒西北太和三年遣使獻汗血馬

哈烈

增續文獻通考曰哈烈在肅州之西相去一萬一千餘里東北至撒馬兒罕一千四百里即漢之大宛也其地

俱平川四面大山沙哈魯國人尊之爲速魯檀猶華言君王也東有俺都淮八刺墨等城皆隸焉俗衣服喜鮮

潔色尚白有喪易以青國主居窗牖以金銀瑟瑟爲飾富家居室服用頗同國主禮儀簡畧君臣相見但行跪

禮無刑法有罪罰錢而已坊市不設斗斛但用權衡食亦無匕箸惟以手取饔室多以姊妹謂爲至親死無棺

櫛以布囊裹屍瘞之國有學舍以居遊學之士無正朔不用甲子以七日爲一周擇日用事則以第一日名阿啼納爲上吉凡拜天聚會用之酒禁甚嚴修行者多不飲恐褻天也其產亦有金銀銅鐵珊瑚琥珀水晶翡翠名馬俊貌織鳥毳爲鎖伏紋如紈綺又有花毯極細密色久不變食物有葡萄巴旦杏明永樂七年朝貢正統二年貢馬玉石

莎車

原杜氏通典曰莎車漢時通焉理莎車城去長安九千九百里戶二千三百東北至都護理所四千七百里西去疏勒五百里西南至蒲犂七百里宣帝時莎車王呼屠徵殺漢使者約諸國叛漢會衛侯馮奉世使大宛以便宜發諸國兵擊殺之傳其首詣長安諸國悉平威振西域奉世至大宛大宛聞其斬莎車王敬之異於他使得其名馬象龍而還馬形似龍帝甚悅下議封奉世少府蕭望之以奉世擅制發諸國兵雖有功效不可以爲後法即封奉世關內侯後奉使者利以奉世爲比爭逐發兵要功萬里之外爲國家生事於夷狄漸不可長不宜受封帝善其議以奉世爲光祿大夫元帝時奉世死後二年西域都護甘延壽以誅鄯支單于封爲列侯於是杜欽上疏追訟奉世前功曰前莎車王殺漢使者約諸國背叛而奉世以便宜發兵誅莎車王策定城郭功施邊境議者以奉世奉使有指春秋之義亡遂事漢家之法有矯制故不得侯今匈奴鄯支單于殺漢使者已保康居都護延壽發城郭兵屯田吏士四萬餘人以誅斬之封爲列侯臣愚以爲比罪則鄯支薄量敵則莎車衆用師則奉世寡制勝則奉世多於邊境居安慮危則延壽爲禍於國家深其違命而擅生事同延壽則割地封而奉世獨不錄臣聞功同賞異則勞臣疑願下有司議帝以先帝時事不復錄

增

文獻通考曰匈奴因王莽

之亂畧有西域唯莎車王延強不附屬元帝時嘗爲侍子長於京師慕樂中國亦復參其典法常敕諸子當世奉漢家不可負也延死子康代立檄書河西問中國動靜自陳思慕漢家河西大將軍竇融承制立康爲漢莎車建功懷德王西域大都尉五十五國皆屬焉康死弟賢代立攻破拘彌西夜國皆殺其王而立其兄康兩子爲拘彌西夜王十七年遣使奉獻請都護天子以問大司空竇融以爲賢父子兄弟相約事漢款誠又至宜加號位以鎮安之帝乃因其使賜賢西域都護印綬及車旗黃金錦繡燉煌太守裴遵不可詔書收還都護印綬

更賜賢以漢大將軍印綬賢由是始恨而猶詐稱大都護移書諸國諸國悉服屬焉號賢為單于賢浸以驕橫數攻龜茲諸國諸國恐懼二十一年冬車師前王鄯善焉耆等十八國俱遣子入侍獻其珍寶願得都護天子以中國初定北邊未服皆還其侍子厚賞賜之二十二年賢發兵攻鄯善其冬復攻殺龜茲王遂兼其國鄯善王上書願復遣子入侍更請都護都護不出誠迫於匈奴天子報曰今使者大兵未能得出如諸國力不從心東西南北自在也於是車師鄯善復附匈奴而賢益橫焉耆王自以國遠遂殺賢使者賢擊滅之立其國貴人駟鞬為焉耆王賢又自立其子則羅為龜茲王賢以則羅年少乃分龜茲為烏疊國徙駟鞬為烏疊王又更以貴人為焉耆塞王又徙于闐王俞林為驪歸王立其弟位侍為于闐王歲餘賢疑諸國欲叛召位侍及拘彌姑墨子合王盡殺之不復置王但遣將鎮守其國莎車將君得在于闐暴虐國人患之其大人都未出城見野豕欲射之豕乃言曰無射我我為汝殺君得都末因與兄弟共殺君得賢引兵攻于闐兵敗而走于闐大人休莫霸進圍莎車中流矢死兵乃退于闐立休莫霸兄子廣德為王原杜氏通典曰建武中廣德攻莎車執王賢殺之匈奴聞廣德滅莎車遣兵將賢質子不居微立為王章帝時長史班超發諸國兵擊破之由是遂降

阿鈎羌

增北史曰阿鈎羌在莎車西南國西有懸度山其間四百里有棧道下臨不測之淵人行以繩索相持而度因以名之

罽賓一

原杜氏通典曰罽賓在懸度山西漢時通焉王理循鮮城去長安萬二千二百里不屬都護戶口勝兵多大國也東北至都護理所六千八百里東至烏托國二千二百里東北至難兜國九日行西北與大月氏西南與烏弋山離接增漢書曰昔匈奴破大月氏大月氏西居大夏而塞王南居罽賓罽賓地平溫和有苜蓿雜草奇木檀櫟梓竹漆種五穀葡萄諸果地下濕生稻冬食生菜其民巧雕文刻鏤治宮室織罽刺文繡好治食有金銀銅錫以為器市列以金銀為錢文為騎馬幕為人面錢文面作騎馬形漫而作人面目幕音漫謂平而無文也出封牛水牛象大狗沐猴孔雀珠璣珊瑚琥珀辟流離原杜氏通典曰自漢武帝始通罽賓自以絕遠漢兵不至雖遣使貢獻屢殺漢

使至成帝時又遣使者奉獻漢欲遣使者報送其使杜欽諫大將軍王鳳曰凡中國所以爲通厚蠻夷恆快其求者爲壤比而爲寇也今懸度之阨非屬賓所能越也其鄉慕不足以安西域雖不附不能危城郭西域諸國也今遣使皆行賈賤人欲通貨市買以朝獻爲名故煩使者送至懸度恐失實見欺凡遣使送客者欲防護寇害也起皮山南更不屬漢之國四五斤候士百餘人五分夜擊刁斗自守尚時爲所侵盜驢畜負糧須諸國廩食得以自贍國或貧小不能食或桀黠不肯給擁強漢之節餒山谷之間離一二旬則人畜棄捐曠野而不反又歷大頭痛小頭痛之山赤土身熱之阪令人身熱無色頭痛嘔吐驢畜盡然又有三池盤石阪道陋者尺六七寸長者徑三十里臨崢嶸不測之深行者騎步相持繩索相引二千餘里乃到懸度險阻危害不可勝言聖王分九州制五服務盛內不求外今遣使者承至尊之命送蠻夷之賈勞吏士之衆涉危難之路罷弊所恃以事無用非久長計也於是鳳白從欽言

屬賓二

增頭痛山 身熱阪俱見上

漕國

增北史曰漕國在蔥嶺之北漢時屬賓國也其王姓昭武康國王之宗族都城方四里勝兵萬餘人國法嚴整殺人及盜皆死其俗淫祀蔥嶺山有順天神者儀制極華金銀鑠爲屋以銀爲地祀者日千餘人祠前有一魚脊骨其孔中通馬騎出入北去帆延七百里東去劫國六百里南去瓜州六千六百里大業中遣使貢方物新唐書曰唐武德二年遣使貢寶帶金鎖水精醃頗黎狀若酸棗貞觀中獻名馬十六年獻褥特鼠喙尖尾赤能食蛇螫者嗅且尿瘡即愈開元七年遣使獻天文及祕方奇藥其王請以子拂林屬婆娑聽之

撒馬兒罕一

增續文獻通考曰撒馬兒罕地在亦力把力西西連哈烈東至肅州九千里即漢之屬賓地東去嘉峪關九千九百里土田膏腴宜五穀饒衍甲諸國人物秀美多藝能元駙馬帖木兒主其國東有養夷沙鹿海牙賽藍達失干西有渴石迭里迷諸城皆隸焉明洪武丁卯國王帖木兒遣回滿刺哈非思等貢駝馬詔厚賜之弘治

三年由海道貢獅子禮官倪岳言南海非西域貢道請却之自後皆從嘉峪關入嘉靖中其國稱王者五十三人皆遣人朝貢

撒馬兒罕二

增鐵門峽

火站河明一統志鐵門峽在渴石城西懸崖絕壁高數十仞深二里夷人守此名鐵門關火站河在沙鹿海牙城西

答兒密

增續文獻通考曰答兒密在海中地不百里人不滿千家服屬撒馬兒罕明永樂中遣使十八人來朝貢方物賜大統曆西北有小國曰哈三曰哈撒兒沙的蠻曰哈失哈兒曰哈的蘭曰賽蘭曰亦力把力曰也克力曰把丹沙曰把力黑曰俺力麻曰脫忽麻曰察力失曰幹失曰卜哈刺曰怕刺曰失刺思曰你沙兀兒曰克失迷兒曰帖必力思曰果撒思曰火壇曰火占曰苦先曰沙鹿海牙曰牙者曰牙兒干曰戎曰兀倫曰阿迷曰邪思城曰坤城曰捨墨曰擺音曰克札曰元方曰日落諸國皆經哈密入貢或三年五年無恒期後哈密殘破多徑叩嘉峪關然亦未數至

沙鹿海牙

增象胥錄曰沙鹿海牙在撒馬兒罕東五百里城據小岡西北臨山河河名水站勢衝急有浮梁其地南山三面皆平川居人依崖谷頗繁庶西有大沙洲可二百餘里無水間有水不可飲牛馬飲輒死有臭草根株獨立高尺許枝葉如蓋穢氣逼人取生汁熬膏即阿魏也亦有細草以熬膏味如蜜

賽蘭

增象胥錄曰賽蘭一作賽藍去撒馬兒罕千里在達失干東城周三里有浮圖爲祈拜之所四面平原流水環繞草木豐茂五穀蕃殖夏秋間草生黑蜘蛛小而甚毒蠶人遍體作痛號呼動地土人誦咒禳解以薄荷枝拂毒處又以羊肝擦之一晝夜痛息膚如蛻牛馬被傷輒死行人宿必近水避焉

達失干

增象胥錄曰達失干在賽蘭西去撒馬兒罕七百里城甚狹小四面平岡溪流蜿蜒多林木土宜五穀居民稠

密俗朴而饒

渴石

增象胥錄曰渴石在撒馬兒罕西南二百六十里城周十餘里四面水田東南近山中有園林頗宏麗元帖木兒駙馬居也牆壁窗櫺飾以金碧琉璃堂四隅白石柱如玉西行十餘里多奇樹又西三百里大山屹立中有石破兩壁懸崖如斧劈行二三里出破石有門石色如鐵人指云此鐵門關也元太祖至東印度駐鐵門關有一角獸形如鹿而馬尾其色綠作人言以問耶律楚材對曰此瑞獸名角端能言四方語好生惡殺帝爲班師蓋其地近東印度矣

迭里迷

增象胥錄曰迭里迷去哈烈二千餘里在撒馬兒罕西南新舊二城相去十餘里王居新城東距阿木河河廣非舟不可渡多魚城內外居民僅數百家孳畜蕃息河東地隸撒馬兒罕河西有蘆林多獅子

卜花兒

增象胥錄曰卜花兒在撒馬兒罕西七百里城居平川周十餘里市里華庶戶口萬計地廣衍宜五穀天氣溫

養夷

增象胥錄曰夷在賽蘭撒馬兒罕亦力把力蒙古諸部落間數相侵掠無寧居惟數百人戍孤城四面皆亂山東北有大溪西流長數百里

納失者罕

增象胥錄曰納失者罕東去失刺思數日程皆舟行海中其國有山林川澤魚蟲城東平原饒水草可牧馬馬有數種最小者高不過三尺俗重僧所至飲食之顧尚氣健鬪以不勝爲嗤鄙永樂中遣使朝貢

俺都淮

增象胥錄曰俺都淮西南去哈烈千三百里東北去撒馬兒罕如之土沃人稠稱樂土永樂中嘗遣使朝貢

八刺黑

增象胥錄曰八刺黑一名八黑在俺都淮東北城居平川周十餘里南近山無險地廣物豐饒西南諸番賈聚焉又八答黑商其國奉佛浮圖壯麗如王宮永樂間朝貢方物織皮絨罽香木疑即八刺黑

亦思把罕

增象胥錄曰亦思把罕廣袤近千里於西南海中為大國四面皆海西北多山東南皆平沙王居宏麗城亦堅壯產饒俗朴食惟麥稭麥粒麤而甘美少布帛稻黍多馬駝琥珀亦有中國人流寓時賈撒馬兒罕以取給永樂中遣使朝貢亦云亦思弗罕

亦力把力

增續文獻通考曰亦力把力不知古何國地居沙漠間在肅州西北三千七百里疑即焉耆或龜茲地也龜茲國在白山南都延城今其地東西三千餘里南北二千餘里東距火州西抵撒馬兒罕南接于闐北連瓦剌地無房屋逐水草置氈帳以居少五穀畜牛羊駝馬飲食惟肉酪衣服類回語言類畏兀兒其王髡髮戴草刺帽插鵝鵠翎設綵繡氈帳席地而坐與使者相見不拜揖惟行跪禮其山有白山中常起火煙蓋出礪砂之處採者著木底鞵取之皮著即焦有熱海周數百里俗呼亦息渴兒所產有銅鐵鉛雌黃胡粉馬犂牛孔雀氈毼駝葡萄刺蜜亦有阿魏白氈布礪砂元名其地為別失八里憲宗分建諸王合丹於此世祖立宣慰司以萬戶秦公直為使後置元帥府以領屯田明洪武二十四年國王黑的兒火者遣使貢馬永樂四年貢玉璞十六年歪思弒其從兄王納黑失只罕自立為王徙其國西去遂更國號亦力把力

條支

原杜氏通典曰條支漢時通焉去陽關二萬二千一百里在葱嶺西城在山上週迴四十餘里臨西海水曲環其南及東北三面路絕惟西北隅通陸道

增文獻通考曰土地暑濕田宜稻有大鳥卵如鵝善眩其草木

畜產五穀果菜食飲宮室市列錢貨兵器金珠之屬皆與罽賓同而有桃拔獅子犀牛桃拔一名特拔似鹿長尾一角者或為天鹿兩為辟邪其錢獨文為人幕為騎馬

原杜氏通典曰和帝永元中班超遣掾甘英使大秦抵條支臨大海欲渡

而安息西界船人謂英曰海水廣大往來者逢善風三月乃得渡若遇惡風雨亦有三歲者英聞而止

漢書曰安息長老傳聞條支有弱水西王母亦未嘗見也自條支乘水西行百餘日近日所入云

波斯

原杜氏通典曰波斯後魏時通焉在達曷水之西都宿利城

後周書云蘇利城隋書云蘇蘭城記錄音說其實一也

有河經其城中南流

即條支之故地也大月氏之別種其先有波斯匿王其子孫以王父字爲氏因爲國號焉王姓波斯戶十餘萬東去中國萬餘里西去海數百里東南去穆國四千餘里西北去拂菻四千五百里

文獻通考曰有樓觀

屋宇佛寺城西十五里有土山山周迴高大其勢連接甚遠中有驚鳥噉羊土人極以爲患其王坐金羊座戴

金花冠衣錦袍織成帔飾以真珠寶物其俗丈夫剪髮戴白皮帽貫頭衫兩肩有近下開之并巾帔緣以織成婦

人服大衫帔仍貫五色珠絡之於膊王即位後擇諸子內賢者密書其名封於庫王死乃共發書立爲王餘子

各出就邊任國人號王曰醫噴

才訓反

妃曰防步率王之諸子曰殺野其刑法重罪懸竿射而殺之次則繫獄新

王立乃釋以六月爲歲首尤重七月七日十二月一日其日設會作樂以相歡娛氣候暑熱家自藏冰其地多

砂磧引水溉灌其五穀及禽獸與中夏畧同唯無稻黍土出名馬及駝象獅子多良犬有大鳥形如橐駝有兩

翼飛而不能高食草與肉亦能噉人有大鳥卵真珠頗黎珊瑚琉璃瑪瑙水精瑟瑟金銀鍤石金剛火齊銅錫

鑛鐵朱砂水銀錦疊細布瑠瑜毘毘護那越諾布金鏤織成赤纓皮重陸鬱金蘇合青木等香胡椒草撥石蜜

千年麝香附子訶黎勒無食子鹽綠雌黃又有優鉢曇花鮮華可愛地有鹹池俗尊右下左祠天地日月水火

戰乘象魏神龜中其國遣使上書貢物云大國天子天之所生願日出處常爲漢中天子波斯國王居和多千

萬敬拜朝廷嘉納之唐貞觀十二年遣使朝貢又獻活褥蛇狀類鼠色正青長八九寸能入穴取鼠龍朔初又

訴爲大食所侵時天子遣使西域分置州縣以疾陵城爲波斯都督府拜其王爲都督咸亨中入朝授右武衛

將軍死始其子泥涅師爲質調露元年詔裴行儉將兵護還復王其國至安西碎葉以道遠行儉還泥涅師因

客土火羅景龍初復來朝授左威衛將軍無何病死其國滅而部衆猶存開元天寶間遣使者十輩獻瑪瑙牀

火毛繡舞筵續文獻通考曰遼太祖天贊二年波斯來貢

大食一

增新唐書曰大食本波斯地隋大業中有波斯國人牧於俱紛摩地那山有獸言曰山西三穴有利兵黑石而白文得之者王走視如言石文言當反乃詭衆糾曰命於恒曷水劫商旅保西鄙自王於是遂滅波斯永徽二年始遣使朝貢自言王大食氏有國三十四年傳二世其王嘗遣人入海經八年而未極西岸海中見一石上有樹幹赤葉青樹上總生小兒長六七寸見人不語而能笑動其手足頭著樹枝人摘取入手即乾黑其使得一枝獻在王宮開元初遣使獻馬鈿帶其使謁見平立不拜憲司欲糾之中書令張說奏曰大食殊俗遠來慕義不可置罪上特許之尋又遣使來獻自云本國惟拜天神雖見王亦無致拜之法有司屢詰責之遂依漢法致拜 文獻通考或曰大食族中有孤列種世爲長號白衣大食種有二姓一曰盤尼末換二曰奚深有摩訶末者勇而智衆立爲主闢地三千里克夏臘城傳十四世至末換殺兄伊疾自王下怨其忍有呼羅珊木鹿人並波悉林將討之徇衆曰助我者皆黑衣服而衆數萬即殺末換求奚深種孫阿蒲羅拔爲王更號黑衣大食宋太平興國二年遣使貢方物其從者目深體黑謂之崑崙奴雍熙元年國人花茶復來獻花錦越諾揀香白龍腦白沙糖薔薇水琉璃器淳化四年又遣其副蕃長李亞勿來貢其國舶主蒲希密至南海以老病不能詣闕乃以方物附亞勿來獻希密進象牙乳香寶鐵紅絲古貝五色雜花香錦白越諾琉璃瓶無名異薔薇水等詔賜希密敕書錦袍銀帶以答之至道元年其國舶主蒲押陀黎齋蒲希密表引對於崇政殿譯者代奏云父蒲希密因緣射利泛舶至廣州逮今五稔未歸母令臣遠來尋訪昨至廣州見之具言前歲蒙皇帝聖恩令命臣奉章來謝以方物致貢大中祥符元年十月車駕東封舶主陀婆離上言願執方物赴泰山從之其國部屬各異名故有勿巡有陀婆離有俞盧和地有麻囉拔等國然皆冠以大食勿巡所貢又有龍腦兜羅錦毬錦襖番花簾陀婆離有金飾壽帶連環臂鈎數珠之屬其國在泉州西北自泉州發船四十餘日至藍里博易住冬次年再發順風六十餘日方至其國本國所產與三佛齊貿易商賈轉販以致中國其地廣袤民俗侈麗天氣多寒雪厚二三尺故貴氍毹國據諸番衝要其王錦衣玉帶朔望戴百寶純金冠其居以瑪瑙爲柱綠甘爲辟水晶爲瓦碌石爲甃活石爲灰帷幕之屬悉用百花錦官有丞相太尉各領兵二萬餘人 續文獻通考曰遼